



TOUCHER

CENTURION ROLBALKLUB

CENTURION BOWLS CLUB

(www.centurion.bowls-club.co.za)

secretary@centurion-bowls.co.za

NUUSBRIEF / NEWS LETTER

Maart

2023

March

Words should be weighed, not counted. (Yiddish proverb)

Maart 2023, en die eerste tekens van naderende herfs is alreeds daar. Ideale rolbalweer lê voor vir die volgende paar maande, en wat 'n voorreg om dit te benut!

The first autumn leaves are appearing, reminding us that the following few months will provide mostly ideal weather for outdoor activities, and thus for rolling mass action. Enjoy!

HOOGTEPUNTE

Die klubkampioenskappe vir nuwelinge het baie inskrywings gelok, en het spannend, en veral genotvol vir almal verloop. Helena Payne en Hadri Roux is vanjaar se nuweling-klubkampioen. Baie geluk!



Judy Ralph entered the special league of octogenarians on 1 March. Congratulations, Judy, and may you continue to be the formidable and truly exemplary player that you are!

Die Twilight-toernooi het spannend en feestelik 'n hoogtepunt bereik op Donderdagaand 2 Maart. Die naaswenners was van ons klub, naamlik Herman en Elize du Plessis (2de plek) en Wim van der Waals en Annie Marais (3de plek). Hul punte het maar effens verskil van dié van die wenners, Leon Knoetze en Edelweiss Schweickert (Midstream). Baie geluk aan elkeen! As geheel was die toernooi weer 'n baie groot sukses, met wonderlike rolbal versprei oor sewe weke.

Alle eer aan Dawie Hanekom wat weer eens die teuels op bekwame wyse vasgehou het! Die verrigtinge is afgesluit met 'n heerlike ete, voortreflike beplan en bedien deur Liezel Looch en helpers. Knap gedaan! Die toernooi het uit alle oorde lof ingeoes, en geld as 'n verdere veer in die klub se hoed.

Die maandelikse worslopie (op 7 Maart) was weer eens 'n groot suskes, onder Tertius van de Venter se bekwame leiding. Annie Marais het met die worslouere weggestap - baie geluk.

Herman en Elize du Plessis, saam met Tillie en Gerrit Kamper het weer 'n keer anderkant die Vaalrivier gaan rolbal speel, hierdie keer in 'n toernooi van die Parys Rolbalklub. Ons kon daar 'n tweede plek losspeel. Ons indruk is dat rolbal op die platteland floreer, ondanks kleiner ledegetalle. Die Parys Rolbalklub het net 50 lede, maar beskik oor drie baie goeie perke en mooi fasiliteite. En ja, dit bly baie lekker om Vrystaatse lug in te asem



'n Opwindende inisiatief van Leon Smith kry nou gestalte op elke tweede Woensdagmiddag, wanneer spel in 2-4-2-formaat plaasvind. Daar is reeds bykans 30 belangstellendes, en dit voorspel veel goeds vir die toekoms van hierdie inisiatief. Baie dankie, Leon!

En toe breek 24 Maart aan, die groot Fondsinsamelingsdag! Al die aspekte daarvan is knap beplan en bestuur deur Jurg Odendaal, met helpers. Welkome skenkings is ontvang van vyf borge, en 28 spanne kon om die louere meeding, naamlik 17 van Centurion, 4 van Meyerspark, 4 van Midstream, 1 van Lynnwood, 1 van Villieria en 1 van Irene. Die statistiek is behartig deur Leon Smit en na genotvolle spel van twee wedstryde was die weners die span van Marlene Pieterse (Villieria), gevolg deur dié van Jaco Immelman (Centurion) en Koos Richards (Midstream). Laasgenoemde deel die derde plek met die span van Wim van der Waals (Centurion). Baie geluk aan hierdie spanne!

Intussen is steeds nuwe vaardighede en talente aan die lig gebring, soos dié van Koos Slabber wat ontpop het as meesterafslaer en internasionale agent op die gebied van kunswerke. Liezel Looek en haar helpers het hul weer eens onderskei in alle aspekte van die spyseniering. Welgedaan!

Die totale inkomste sal nog deurgegee word, maar ons kan terugkyk na 'n funksie wat in alle opsigte die naam van die klub eer aangedoen het.

IN MEMORIAM: JOAN CHURCH. (13 February 2023)



Joan (emeritus professor of Constitutional Law at UNISA) was one of the founder members of Verwoerdburg Bowling club and the club's first secretary.

She was ladies' president for two seasons at our club, 1974 to 1976, and also President of Northern Transvaal Bowls and President of Bowls South Africa. She knew the constitution and by-laws by heart and was always available to assist with a dispute or an appeal.

Joan was 'n dinamiese vrou en het 'n passie vir rolbal gehad en was baie trots op haar en Cliffie, haar man, se aandeel in die totstandkoming van Centurion Rolbalklub. Hulle het albei baie kompetend rolbal gespeel. Joan het haar balle voor elke skoot blink gepoets en graag opgeloop na die kop met die gevolg as sy jou skipper was moes jy weet, julle gaan laaste klaar speel. Sy was tot haar dood 'n erelid en het altyd opreg belanggestel in die ledetal en in die wel en wee van die klub. Sy en Cliffie, ook 'n gewese president, het 'n trofee geskenk vir die persoon wat die meeste bydraes gedurende die seisoen agter die skerm gelewer het om sodoende "*The unsung hero*" te vereer.

Ek het die voorreg gehad om twee seisoene saam met haar te dien op BGN en onder haar leiding gehelp met toernooi reëlins, o.a die "All Transvaal". Joan was 'n wonderlike rolmodel,

baie spesifiek in haar vereistes, 'n lojale vriendin en 'n persoon wat diep spore in ons klub se geskiedenis getrap het.

Ons innige simpatie met haar gesin, ons sal haar met deernis onthou.

*Those we love don't go away,
They walk beside us every day
Unseen, unheard, but always near
Still loved, still missed and very dear.*

Mari Flint

VANWAAR GEHASI?

Jorrie Jordaan



Hendrik Stephanus Jordaan is gebore op 2 Februarie 1938 te Goedgegun in Swaziland (nou Eswatini).

Ek het my kinderjare tot op sesjarige ouderdom deurgebring op ons plaas Witfontein, omtrent 8 km ten suide van Goedgegun, saam met my Swazi maatjies. In daardie tyd het ek geleer om te swem, eetbare en giftige plante uit te ken, om platklip wippe te gebruik om voëls soos tarentale, fisante, patryse en duiwe te vang. Die gevolg was ook dat ek die Swazitaal later beter as Afrikaans kon praat. Op sesjarige ouderdom het my skoolloopbaan begin. Omdat ek linkshandig was, het ek met die linkerhand begin skryf. Toe my onderwyseres dit sien, het sy my linkerhand gegryp en dit met 'n liniaal begin slaan. Sy het my behoorlik laat verstaan dat 'n mens jou skryfwerk met die regterhand doen. Dit het tot gevolg gehad dat die arme onderwyseres later moes sukkel om my handskrif te ontleed.

My hoërskoolopleiding het ek aan die Hoërskool MT Steyn te Philippolis in die Vrystaat gedoen. Die rede hiervoor was dat die skool op Goedgegun net tot standerd 8 onderwys gegee het. Ek het in 1955 gematrikuleer, waarna ek my militêre opleiding gedurende 1956 in die Lugmag Gimnasium gedoen het.

In 1957 begin ek as leerlinglandmeter by die Transvaalse Administrasie werk. Terselfdertyd skryf ek ook in vir my B Sc-graad by die Universiteit van Pretoria waar ek uiteraard aandklasse moes bywoon. In 1958 word ek na Magoebaskloof oorgeplaas waar ek padseksies vir die Abel Erasmuspas moes uitmeet.

Ek het egter verkies om my B Sc-graad te doen. Gevolglik het ek my werk bedank en 'n pos aanvaar by die SABS as laboratorium-assistent in die Olie en Brandstof afdeling. In 1960 verwerf ek my B Sc-graad en aanvaar ek 'n pos as navorsingsbeampte in die Navorsingsafdeling van Yskor. Ek verwerf my M Sc-graad in 1964. Ek het o.a. ook kwalifikasies in die Metallurgie verwerf. Ek het die res van my loopbaan aan navorsing in die staalvervaardiging gewy. Ek word in 1990 tot seksiehoof bevorder en tree in 1994 af.

Ek is op 27 Junie 1959 met Jennie Johanna Basson getroud. Een seun, Diederik Johannes Jordaan, is uit die huwelik gebore. Diederik het die naam van my oupagrootjie gekry, wat in 1850 vanaf die wynplaas Blaauwklippen as wamaker na Kroonstad verhuis het. Die plaas is tans die eiendom van drie Jordaan neefs. Jennie is op 27 Desember 2017 oorlede.

In 1973 sluit ek aan by die destydse Union Tennisklub (op die hoek van Beatrix- en Schoemanstraat). Daar dien ek vanaf 1975 in die bestuurskomitee, eers as boekhouer en na 1987 as voorsitter. In 1996 verkoop die stadsraad die grond, en gee ons R500,000 om elders 'n klub te stig. Dit loop uit op die stigting van die Brooklyn/Union Tennisklub. Ek het die klubhuis gebou volgens planne wat deur een van die klublede, Peter Kuhn, geteken is. Ek was in die sewentigerjare ook betrokke by die stigting van twee ander tennisklubs, naamlik die Rif Tennisklub en die Elarduspark Tennisklub. Beide is tans van die sterkste tennisklubs in Pretoria.

Tagtig jaar gelede het ek ook begin hengel. Die enigste snaakse vis wat ek ooit gevang het, was 'n bleshoender by die Rietvleidam.

Tans probeer ek my bes om rolbal en brug te speel.

BESTUUR

Sake wat tydens die bestuursvergadering op 10 Maart bespreek is, kom grootliks elders in hierdie uitgawe ter sprake, en/of sal per WApp aan lede deurgegee word.

Belangrike datums vir die dagboeke:

13 Mei	Meyerspark/Centuriondag, te Meyerspark
16 Junie	KANSA-dag
22 Julie	Vierhoekige byeenkoms, Bronkhorstspuit.
20 Augustus	Nomads-toernooi by die klub.

COMPETITIONS

Club

Club competitions for novices (men and women) are completed, with winners Helena Payne and Hadri Roux. Well done! Likewise, the ladies open singles were played on a knock-out basis, with Eurika Lawrence the winner - congratulations! The men open singles championships attracted 30 entries and is played on a round-robin basis. The finalist will emerge in due course. The women trips championship is also underway. All of this can happen thanks to the hard work of Herman du Plessis and Thea Opperman.

BGN

Several club entries were received for the BGN Trips Championships, and the Mixed Pairs Championships. These championships are under way, and feedback will be given in due course.

League

On this front, players enjoy a well-deserved resting phase.

ROLBALONTWIKKELING

Afrigting

Sewe potensieële nuwe lede ontvang tans afrigting, met groot dank aan die afrigters, naamlik Leon, Hermien, Bosman, Wim, Ernst en Zinda.

Key requirements for the lead, second, third and skip.

From: *Play Bowls* (Simon Botha, Roy Haupt, Graham Mackenzi and Margo Watson)

The Lead should:

- Place the mat and deliver the jack where skip wants them,
- Deliver the first bowl,
- Surrender mat to the opposing lead,
- Then deliver the second bowl.
- If the opposing lead has to place the mat and deliver the first bowl, make sure that you place his/her bowl where he/she can easily pick it up (left front).
- Play your part as member of a cohesive, tightly knit team.

Remember:

- *The lead is the first player who starts building the head to enable the skip to call a positive shot to win the end.*
- *The lead's second shot should be behind the jack. If the first bowl is a dead draw, the second shot should be a bit heavier and finish close behind the jack.*
- *Always be aware of the skip's wishes. Don't play your own game!*
- *Don't be short when the shot is against – rather be a meter through the head than a meter in front*

The Second should:

- Play the shot requested by the skip with complete concentration.
- Take time on concentration regarding line and weight.
- If not sure, request more instruction from the skip as to what is required.
- Keep score on the board or card, end for end.

Remember:

The second must be able to draw the shot if the lead has failed. When the shot is in favour, the second must be able to play shots called by the skip in an endeavor to build a winning head.

THE FRONT RANK WINS THE GAME: THE BACK RANK SAVES THE GAME

Requirements for the Third:

- The third should be experienced and should develop an understanding with the skip as soon as possible.
- A good third will have faith in the skip and only offer advice when asked. The third will play any shot requested with total commitment and faith in the insight of the skip.

- Play the shot that is asked as if it is the only possible shot to be played. (Otherwise, a half-hearted shot, could be the result and to the detriment of the team).
- The third, with the skip, should identify the game plan and assist the team to fit in with the strategy.
- The third should provide the skip with information and suggest possible shots.
- The most disastrous thing that can happen to a team is for the third to suggest a shot as the skip is standing on the mat, ready to play. The final decision rests with the skip.
- A talking third is a poor third.

Requirements for a Skip:

- Be well mannered and courteous towards your opponents and your own team.
- Maintain a positive and calm attitude and let it show in your body language.
- Always communicate with your team so that they will keep concentrating and feel in touch with what is happening.
- As the skip, make sure that your players always know what your intentions are, without making them known to the opposition.
- Be modest in victory; give credit to your opponent's when defeated.

Helpful Hints for the Delivery:

- SLOW back swing
- SLOW forward step of NORMAL length for improving timing.
- Weight control is gained ONLY from the FORWARD-SWING.
- Look ONLY at your point of aim.
- Maintain your follow through to avoid rising too quickly as this could result in the release of the bowl above the surface causing bounce with consequent loss of momentum (weight).
- If ever anything goes wrong with your delivery, SLOW EVERYTHING DOWN, that is, both backswing and forward step.
- Good balance is achieved by staying down. This can usually be achieved by trying to rest the chest on the knees.
- Keep the back knee bent, as this will prevent overstepping with the consequence of over-balancing in a forward direction.

LEDESAKE

Verjaarsdae in Maart 2023

1.	Judy Ralph	21	Louise Graham (vriend)
3	Dennis Clausen (vriend)	29	Japie Horn
8	Linda Kleingeld	30	Liezel Looock
10	Bosman Olivier	31	Louwtjie du Plessis
12	Martie Wepener		

Verjaarsdae in April 2023

2	Herman du Plessis	19	Louwtjie de Jager
4	Elize du Plessis	21	Hannes Botha
10	Hendrina Haupt-Meaker	23	Elsabe Heyns
14	Robina Anderson	24	Pieter Pretorius
15	Dalina Brits	26	Hans Greyling
17	Thea Opperman	29	Matie Stander
18	Willem van Zyl		

Nuwe lede: Welkom aan Theo Munroe

Lief en leed

Ben Bonthuysen is op Saterdag 18 Maart oorlede. Hy was 'n gewaardeerde en aktiewe lid en liga-speler en ons sal hom terdeë mis. Ons innige meegevoel aan sy familie en dierbares.

Ons meegevoel gaan ook uit na Jannie de Beer, wie se oudste seun oorlede is.

Die volgende lede is/was ook op een of ander wyse op die krukkelys, en baie sterkte aan elkeen vir herstel: Marieta Fourie, Daan Oppeman, Piet Schutte, Bruce Austen, Stani Antonides, Dawn de Beer, Barend Lundie

Speeltye

Dinsdae - gemengde spel, skyfies in 8:45 vir 9:00

Donderdae - gemengde spel, skyfies in 8:45 vir 9:00

Saterdag - gemengde spel, skyfies in 13:45 vir 14:00

Spel word Saterdag in rolbaldrag gespeel en gewone drag vir die ander dae. Vir klubwedstryde en klubfunksies trek ons ook rolbaldrag aan.

Fondse

Ledegeld en ander inbetalings wat betaal word moet as verwysing jou naam en van toon, asook waarvoor jy die betaling maak. Dit sal die Tesourier se taak aansienlik vergemaklik.

Klubfooie moet verkieslik direk in die klub se bankrekening inbetaal word.

Bankbesonderhede:

Centurion Bowling Cub
ABSA Centurion (Takkode 632005)
Tjekrekeningnr 405 332 3178

Ledegeld, wat BSA/BGN affiliasiefooie insluit, is ten volle betaalbaar teen 30 Junie 2023.

<u>Kategorie</u> <u>(Ouderdom op 1 Julie 2022)</u>	<u>Ledegeld</u> <u>(Affiliasie BSA en BGN ingesluit)</u>
Getroud bo 75	R2 400.00
Enkel bo 75	R2 460.00
Getroud 75 en onder	R2 610.00
Enkel 75 en onder	R2 670.00
NB. Getroude persone: Albei moet lede van die klub wees om te kwalifiseer.	

Spesiale reëlins vir afbetaling kan met die Tesourier gereël word.

Kontak Marieta Fourie by: secretary@centurion-bowls.co.za of
Marieta.fourie@dustaside.com

Boeke

Snuffel gerus in die boekrakke vir iets om te lees en huistoe te neem. Daar is 'n kassie waarin jy R5 per boek moet ingooi. As jy klaar gelees het, bring die boek asseblief terug sodat iemand anders ook die leesgenot daarvan kan hê. Baie dankie, Judy, vir die versorging van ons boeke.

Diensrooster

Aangebring op kennisgewingbord.

GREENS AND FACILITIES

Both greens are still in excellent condition (and very fast!), thanks to the greenkeepers.

Our greens are to be inspected by BSA for possible inclusion in the shortlist of greens for hosting the National Ladies Singles Open Championships from 6-14 May 2023. This is already a feather in our cap!

KLEINJAN

Goeiedag ma

Ek is nou nog hartseer van gister. Ek kan dit amper nie in woorde omvat nie. Ek was op pad rolbal toe, toe ek 'n wolfhond raak gery het. Ma ek het hom regtig nie gesien nie. Toe ek so kyk toe is ek reeds bo op hom. Hy het in 'n pothool gestaan en net sy ore het uitgesteek. Gelukkig het hy darem nie skade gehad nie.

Êrens sê hy is van gedagte as 'n mens 'n bobejaan rigstring kan kry en dokter Tet roomys en sy span kan dit op Kobie oorplant, sal hy dalk weer kan rolbal speel. Tet is

mos 'n dokter ge wees en is baie knap met 'n skrapnel in sy hand. Tamatie en Êrens sal kan bystand gee want hulle ken van tools aangee. Ek weet nie of die rolbal se reels dit toelaat dat iemand wat so iets ge kry het hande viervoet sal mag speel nie. Ag shame tog.

Die nowisses se kompetisie is nou klaar. Ek was mos net te laat om in te skryf en Herwaarts van profesor Elouise sê hy geduld geen laat inskrywings nie. Ma reels is reels en ek het geen kwade gevoel nie.

Ek dink die gemengde viere is nou bo aan die luis en my naam is reeds op. Ek hoop net hulle herken my twintig rand wat ek in die kassie gegooi het. Ek speel saam met drie dames van die teenoorgestelde geslag. Ek kan nog nie bekend maak wie hulle is nie want ek moet hulle nog vra of dit oraaitsal wees.

Ma as daar nog iets is wat ek uitgelaat het sal dit my opval. Oo ja, Tannie Ann was mos negintig toe sy verjaar het. Ons het ons trommel dik ge eet aan die koek met hierdie heugelike gebeertenis van haar leeftyd. Haar eggenoot, oom Jon is 'n kort kop agter haar. Dit gebeur nie baie dat 'n wredehelfte ouer is as haar eggenoot nie.

Ek groet eers weer ma. Groete ook vir die Ingelsman op die bure se plaas as hy dalk weer kom eiers haal.

Kleinjan

Twilight 2023



Wenners: Leon Knoetze en Edelweiss Schweickert (Midstrm)



Naasweners: Herman en Elize du Plessis



Derde: Wim vd Waals en Annie Marais

Klub Kampioenskappe

Beginners:



Wenner: Dames:
Helena Payne



Wenner: Mans
Hadri Roux

Ladies open singles:



Winner:
Eurika Lawrence

Fondsinsamelingsdag; 24 Maart 2023



Die “spider” of kringrol met groot verwagtinge om naby daardie muntstuk te kom



Bosman - “Hoe is daai?”. Ted - “Het al beter gesien!”



“Jonan-Rol muntstuk!”



Hermien – “Gaan dit werk Jaco?”

Baie Dankie aan ons Borge:

Al die Klublede wat so spontaan bygedra het - eetgoed, drank en talle pryse wat vanaf verskaffers “gebedel” is, asook die verkoop van die looitjies



Die Hoofborg, Altitude Wealth, wat onder andere die kontant prysgeld vir die weners geborg het.



Ons gereelde ondersteuner Yolandè vd Westhuizen (Oudioloë) was ook daar

Ander skenkings: Royal Elephant - ete-bewyse, Mimmos – ete bewyse, Aerosoft Skoene – koop bewyse.

Met die ter perse gaan van die Toucher het ons nog nie al die name van die donateurs ontvang nie maar ons sal plan maak om dit in die volgende Toucher te publiseer.

IN LIGHTER VEIN.....

"I can't understand what the selection committee is thinking about putting me as second. You know as well as I do that I ought to be skipping"

"Perhaps they're frightened of giving you too much rope....."

ooOoo

Stuur asb jou nuuswaardighede aan Gerrit Kamper by kampergd9@gmail.com., praat met hom op die rolbalbaan of in die klubhuis, of skakel met hom by 0731715630.

Besoek gerus ons webwerf by: www.centurion.bowls-club.co.za

Neem ook kennis van die Klub se e-posadres: secretary@centurion-bowls.co.za

Wanneer u e-pos aan hierdie adres stuur, sal dit minstens al die lede van die Dagbestuur bereik.